

南蠻西南夷列傳第七十六

後漢書八十六

唐章懷太子賢注

昔高辛氏有犬戎之寇高辛帝患其侵暴而征伐不克乃訪募天下

有能得犬戎之將吳將軍頭者購黃金千鎰邑萬家又妻以少女

時帝有畜狗其毛五采名曰槃瓠魏略曰高辛氏有老婦居王室得耳疾挑之乃得物大如繭婦人盛瓠中覆之以槃俄頃化為

犬其文五色因名槃瓠下令之後槃瓠遂銜人頭造闕下羣臣怪而診之乃吳將

軍皆也診侯視也帝大喜而計槃瓠不可妻之已女又無封爵之道議欲

有報而未知所宜女聞之已為帝皇下令不可違信因請行帝不

得已乃已女配槃瓠槃瓠得女負而走入南山止石室中所處險

絕人跡不至今辰州盧溪縣西有武山黃岡武陵記曰山高可萬仞山半有槃瓠石室可容數萬人中有石牀槃瓠行跡今案山窟前有石羊石獸古跡奇異尤多望石窟

大如三間屋遙見一石仍似狗形蠻俗相傳云是槃瓠象也於是女解去衣裳為僕鑒之結著獨力之衣

僕鑒獨力皆未詳流俗本或有改鑒字為鑒者矣穿鑿也結音馨帝悲思之遣使尋求輒遇風雨震晦使者

不得進經三年生子一十二人六男六女槃瓠死後因自相夫妻

織績木皮染已草實好五色衣服製裁皆有尾形

干寶晉紀曰武陵長沙廬江郡夷槃瓠之後也

雜處五溪之內槃瓠馮山阻險每常為害蹂雜魚肉叩槽而號已祭槃瓠俗稱赤髀橫裙即其子孫

其母後歸已狀白帝於是使迎

致諸子衣裳班蘭語言侏離

侏離蠻夷語聲也

好入山壑不樂平曠帝順其

意賜已名山廣澤其後滋蔓號曰蠻夷外癡內黠安土重舊已先

父有功母帝之女田作賈販無關梁符傳租稅之賦

優寵之故蠲其賦役也荆州記曰沅

陵縣居西口有上就武陽二鄉唯此是槃瓠子孫狗種也二鄉在武溪之北

有邑君長皆賜印綬冠用獼皮名渠帥

曰精夫相呼為婁徒

說文曰婁女人自稱婁我也音胡朗反此已上竝見風俗通

今長沙武陵蠻是也其

在唐虞與之要質故曰要服夏商之時漸為邊患逮於周世黨眾

彌盛宣王中興乃命方叔南伐蠻方詩人所謂蠻荆來威者也又

曰蠢爾蠻荆大邦為讎

毛詩小雅序曰采芑宣王南征也薄言采芑于彼新田顯允方叔振旅闐闐蠢爾蠻荆大邦為讎注云方叔卿士命而為將也

明其黨眾繁多是已抗敵諸夏也平王東遷蠻遂侵暴上國晉文

侯輔政乃率蔡其侯擊破之

晉文侯仇也

至楚武王時蠻與羅子共敗楚

師殺其將屈瑕

左傳楚屈瑕伐羅及鄢亂次以濟其水遂無次且不設備羅與盧戎兩軍之大敗之莫敖縊於荒谷羣帥囚于治父也

莊王初立

莊王名族穆王之子

民飢兵弱復爲所寇楚師既振然後乃服自是遂屬於楚

鄢陵之役蠻與恭王合兵擊晉

左傳晉楚戰于鄢陵晉卻至曰楚二卿相惡王卒以舊鄭陳而不整蠻軍而不陳也

及吳

起相悼王南并蠻越遂有洞庭蒼梧秦昭王使白起伐楚略取蠻

夷始置黔中郡漢興改爲武陵

黔中故城在今辰州沅陵縣西

歲令大人輸布一匹小

口二丈是謂竇布

說文曰南蠻賦也竇祥冬反

雖時爲寇盜而不足爲郡國患光武

中興武陵蠻夷特盛建武二十三年精夫相單程等據其險隘大

寇郡縣遣武威將軍劉尚發南郡長沙武陵兵萬餘人乘船泝沅

水入武溪擊之

沅水出牂柯故且蘭東北經辰州潭州嶽州經洞庭湖入江也

尚輕敵入險山深水疾舟船

不得上蠻氏知尚糧少入遠又不曉道徑遂屯聚守險尚食盡引

還蠻緣路邀戰尚軍大敗悉爲所沒二十四年相單程等下攻臨

沅遣謁者李嵩中山太守馬成擊之不能剋明年春遣伏波將軍
馬援中郎將劉匡馬武孫永等將兵至臨沅擊破之單程等飢困
乞降會援病卒謁者宗均聽悉受降爲置吏司羣蠻遂平肅宗建
初元年武陵澧中蠻陳從等反叛入零陽蠻界零陽縣屬武陵郡其冬零陽
蠻五里精夫爲郡擊破從從等皆降三年冬澧中蠻覃兒健等復
反澧水名源出今澧州崇義縣攻燒零陽作唐孱陵界中作唐縣屬武陵郡孱陵縣故城在今荆州公安縣西南孱音仕顏反
年春發荊州七郡及汝南潁川弛刑徒吏士五千餘人拒守零陽
募充中五里蠻精夫不叛者四千人擊澧中賊充縣屬武陵郡充音衝五年春覃
兒健等請降不許郡因進兵與戰於宏下大破之斬兒健首餘皆
棄營走還澧中復遣乞降乃受之於是罷武陵屯兵賞賜各有差
和帝永元四年冬澧中蠻潭戎等反燔燒郵亭殺略吏民郡
兵擊破降之安帝元初二年澧中蠻已郡縣徭稅失平懷怨恨遂

結充中諸種二千餘人攻城殺長吏州郡募五里蠻六亭兵追擊破之皆散降賜五里六亭渠帥金帛各有差明年秋漢中澧中蠻四千人竝爲盜賊又零陵蠻羊孫陳湯等千餘人

零陽屬武陵郡

著赤幘稱

將軍燒官寺抄掠百姓州郡募善蠻討平之順帝永和元年武陵太守上書曰蠻夷率服可比漢人增其租賦議者皆曰爲可尙書令虞詡獨奏曰自古聖王不臣異俗非德不能及威不能加知其獸心貪婪難率已禮是故羈縻而綏撫之附則受而不逆叛則棄而不追先帝舊典貢稅多少所繇來久矣今猥增之必有怨叛計其所得不償所費必有後悔帝不從其冬澧中漢中蠻果爭貢布非舊約遂殺鄉吏舉種反叛明年春蠻二萬人圍充城八千人寇夷道遣武陵太守李進討破之斬首數百級餘皆降服進乃簡選良吏得其情和在郡九年梁太后臨朝下詔增進秩二千石賜錢

二十萬桓帝元嘉元年秋武陵蠻詹山等四千餘人反叛拘執縣令屯結深山至永興元年太守應奉呂恩信招誘皆悉降散永壽三年十一月長沙蠻反叛屯益陽至延熹三年秋遂抄掠郡界眾至萬餘人殺傷長吏又零陵蠻入長沙冬武陵蠻六千餘人寇江陵荊州刺史劉度謁者馬睦南郡太守李肅皆奔走肅主簿胡爽扣馬首諫曰蠻夷見郡無儆備故敢乘間而進明府爲國大臣連城千里舉旄鳴鼓應聲十萬奈何委符守之重而爲逋逃之人乎肅拔刃向爽曰掾促去太守今急何暇此計爽抱馬固諫肅遂殺爽而走帝聞之徵肅棄市度睦減死一等復爽門閭拜家一人爲郎於是呂右校令度尙爲荊州刺史討長沙賊平之又遣車騎將軍馮緄討武陵蠻竝皆降散軍還賊復寇桂陽太守廖祈奔走音廖武陵蠻亦更攻其郡太守陳奉率吏人擊破之斬首三千餘級

力弔反

降者二千餘人至靈帝中平二年武陵蠻復叛寇郡界州郡擊破

之禮記稱南方曰蠻雕題交趾其俗男女同川而浴故曰交趾題額

也雕之謂刻其肌以丹青涅也其西有噉人國生子輒解而食之謂之宜弟味旨則

已遺其君君喜而賞其父取妻美則讓其兄今烏潯人是也萬震南川異物

志烏潯地名在廣州之南交州之北恒出道間伺候行旅輒出擊之利得人食之不貪其財貨竝以其肉為肴俎又取其髑髏破之以飲酒以人掌趾為珍異以食老也交趾之南

有越裳國周公居攝六年制禮作樂天下和平越裳呂三象重譯

而獻白雉曰道路悠遠山川岨深音使不通故重譯而朝成王已

歸周公公曰德不加焉則君子不饗其質質亦贅也政不施焉則君子不

臣其人吾何已獲此賜也其使請曰吾受命吾國之黃耆爾雅曰黃髮

也曰久矣天之無烈風雷雨尚書大傳作別風注雨意者中國有聖人乎有則盍

往朝之周公乃歸之於王事見尚書大傳稱先王之神致已薦於宗廟周德

既衰於是稍絕及楚子稱霸朝貢百越秦并天下威服蠻夷始開

領外置南海桂林象郡漢興尉佗自立爲南越王傳國五世

前書南粵王趙

佗真定人也秦時爲南海尉佗孫胡胡子嬰齊嬰齊子興也

至武帝元鼎五年遂滅之分置九郡交趾刺

史領焉其珠崖儋耳二郡在海洲上東西千里南北五百里其渠

帥貴長耳皆穿而縋之垂肩三寸武帝末珠崖太守會稽孫幸調

廣幅布獻之蠻不堪役遂攻郡殺幸幸子豹率善人還復破之自

領郡事討擊餘黨連年乃平豹遣使封還印綬上書言狀制詔卽

已豹爲珠崖太守

卽就也

威政大行獻命歲至中國貪其珍賂漸相侵

侮故率數歲一反元帝初元三年遂罷之凡立郡六十五歲逮王

莽輔政元始二年日南之南黃支國來獻犀牛凡交趾所統雖置

郡縣而言語各異重譯乃通人如禽獸長幼無別項髻徒跣

爲髻於項上也

已布貫頭而著之後頗徙中國罪人使雜居其間乃稍知言語漸

見禮化光武中興錫光爲交趾任延守九真於是教其耕稼制爲

冠履初設媒娉始知姻娶建立學校導之禮義建武十二年九真

徼外蠻里張游

里蠻之別號今呼爲俚人

率種人慕化內屬封爲歸漢里君明年南

越徼外蠻夷獻白雉白菴至十六年交趾女子徵側及其妹徵貳

反攻郡徵側者麓泠縣雒將之女也

麓音苦支反泠立日零

嫁爲朱戴人詩索妻

甚雄勇交趾太守蘇定曰法繩之側忿故反於是九真日南合浦

蠻里皆應之凡略六十五城自立爲王交趾刺史及諸太守僅得

自守光武乃詔長沙合浦交趾具車船修造橋通障谿儲糧穀十

八年遣伏波將軍馬援樓船將軍段志登長沙桂陽零陵蒼梧兵

萬餘人討之明年夏四月援破交趾斬徵側徵貳等餘皆降散進

擊九真賊都陽等破降之徙其渠帥三百餘口於零陵於是嶺表

悉平肅宗元和元年日南徼外蠻夷究不事人

究不事人蠻夷別號也

邑豪獻生

犀白雉和帝永元十二年夏四月日南象林蠻夷二千餘人寇掠

百姓燔燒官寺郡縣發兵討擊斬其渠帥餘衆乃降於是置象林
將兵長史以防其患安帝永初元年九真徼外夜郎蠻夷舉土內
屬開境千八百四十里元初二年蒼梧徼夷反叛明年遂招誘鬱
林合浦蠻漢數千人攻蒼梧郡鄧太后遣侍御史任逵音卓奉詔赦
之賊皆降散延光元年九真徼外蠻貢獻內屬三年日南徼外蠻
復來內屬順帝永建六年日南徼外葉調王便遣使貢獻帝賜調
便金印紫綬永和二年日南象林徼外蠻夷區憐等數千人攻象
林縣燒城寺殺長吏交阯刺史樊演發交阯九真二郡兵萬餘人
救之兵士憚遠役遂反攻其府二郡雖破反者而賊執轉盛會
侍御史賈昌使在日南卽與州郡并力討之不利遂爲所攻圍歲
餘而兵穀不繼帝以爲憂明年召公卿百官及四府掾屬問其方
略皆議遣大將發荆揚兗豫四萬人赴之大將軍從事中郎辛固

駁曰若荆揚無事發之可也今二州盜賊繁結不散武陵南郡蠻夷未輯長沙桂陽數被徵發如復擾動必更生患其不可一也又充豫之人卒被徵發遠赴萬里無有還期詔書迫促必致叛亡其不可二也南州水土溫暑加有瘴氣致死亡者十必四五其不可三也遠涉萬里士卒疲勞比至嶺南不復堪鬪其不可四也軍行三十里爲程而去日南九千餘里三百口乃到計人稟五升古升小故曰五也升用米六十萬斛不計將吏驢馬之食但負甲自致費便若此其不可五也設軍到所在死亡必衆旣不足禦敵當復更發此爲刻割心腹已補四支其不可六也九真日南相去千里發其吏民猶尙不堪何況乃苦四州之卒已赴萬里之艱哉其不可七也前中郎將尹就討益州叛羌益州諺曰虜來尙可尹來殺我後就徵還呂兵付刺史張喬喬因其將吏旬月之間破殄寇虜此發將無益

之効州郡可任之驗也宜更選有勇略仁惠任將帥者已爲刺史

太守悉使其往交趾今日南兵單無穀守既不足戰又不能可一

切徙其吏民北依交趾事靜之後又命歸本還募蠻夷使自相攻

轉輸金帛已爲其資有能反間致頭首者許已封侯列土之賞故

并州刺史長沙祝良性多勇決又南陽張喬前在益州有破虜之

功皆可任用昔太宗就加魏尙爲雲中守

前書曰魏里人魏尙爲雲中守以斬首捕虜上功不實免爲唐言之於文

帝帝今唐持節赦尙復以爲雲中守哀帝卽拜龔舍爲太山太守

遣使卽楚拜舍爲太山太守也宜卽拜良等便道之官四府悉從固議卽拜祝良爲九

真太守張喬爲交趾刺史喬至開示慰誘竝皆降散良到九真單

車八賊中設方略招已威信降者數萬人皆爲良築起府寺由是

嶺外復平建康元年日南蠻夷千餘人復攻燒縣邑遂扇勳九真與相連結交趾刺史九江夏方開恩招誘賊皆降服時梁太后臨

朝美方之功遷爲桂陽太守桓帝永壽三年居風合貪暴無度縣人朱達等及蠻夷相聚攻殺縣令眾至四五千人進攻九真九真太守兒式戰死兒五詔賜錢六十萬拜子二人爲郎遣九真都尉魏朗討破之斬首二千級渠帥猶屯據日南眾轉彊盛延熹三年詔復拜夏方爲交趾刺史方威惠素著日南宿賊聞之二萬餘人相率詣方降靈帝建寧三年鬱林太守谷永昌恩信招降烏潯人十餘萬內屬皆受冠帶開置七縣熹平二年冬十二月日南徼外國重譯貢獻光和元年交趾合浦烏潯蠻反叛招誘九真日南合數萬人攻沒郡縣四年刺史朱雋擊破之六年日南徼外國復來貢

獻

巴郡南郡蠻本有五姓巴氏樊氏

音審

氏相氏鄭氏皆出於武落

鍾離山

代本曰廩君之先故出巫誕也

其山有赤黑二穴巴氏之子生於赤穴四姓之

子皆生黑穴未有君長俱事鬼神乃共擲劍於石穴約能中者奉

呂為君巴氏子務相乃獨中之眾皆歎又令各乘土船約能浮者

當呂為君餘姓悉沈唯務相獨浮因共立之是為廩君乃乘土船

從夷水至鹽陽

荊州圖曰副夷縣西有溫泉古老相傳此泉原出鹽干今水有鹽氣縣西一獨山有石穴有二大石竝立穴中相去可一丈俗名為陰陽石陰石常

涇陽石常燥盛弘之荊州記曰昔廩君浮夷水射鹽神於陽石之上案今施州清江縣水一名鹽水源出清江縣西都亭山水經云夷水巴郡魚復縣注云水色清照十丈分沙石蜀人見澄清因

名清江也

鹽水有神女謂廩君曰此地廣大魚鹽所出願畱其居廩君不

許鹽神算輒來取宿旦即化為蟲與諸蟲羣飛掩蔽日光天地晦

冥積十餘日廩君思其便因射殺之天乃開明

代本日廩君使人操青纁以遺鹽神曰嬰此即相宜

云與女俱生宜將主鹽神受纁而嬰之廩君即立陽石上應青縷而射之中鹽神鹽神死天乃大開也

廩君於是君乎夷城

此已上竝見代本也

四姓皆臣之廩君死魂魄世為白虎巴氏曰虎飲人血遂已人祠焉

及秦惠王并巴中呂巴氏為蠻夷君長世尚秦女其民爵比不更

有罪得已曾除其君長歲出賦二千一十六錢三歲一出義賦千

八百錢其民戶出帛布八丈二尺鷄羽三十

錢漢文帳南蠻夷布也音分亞反手詩四錢既均儀禮

矢鏃一乘鄭玄注曰鏃猶候也候物而射之也三

十鏃一百四十九俗本作蒙鏃作鏃者茲誤也漢興南郡太守靳彊請一依秦

時故事至建武二十三年南郡湄山蠻雷遷等始反叛

屠音

寇掠百

姓遣武威將軍劉尚將萬餘人討破之徙其種人七千餘口置江

夏界中今沔中蠻是也和帝永元十三年巫蠻許聖等

巫縣屬南郡

已郡

收稅不均懷怨恨遂屯聚反叛明年夏遣使者督荊州諸郡兵萬

餘人討之聖等依憑岨隘久不破諸軍乃分道竝進或自巴郡魚

復數路攻之蠻乃散走斬其渠帥乘勝追之大破聖等聖等乞降

復悉徙置江夏靈帝建寧二年江夏蠻叛州郡討平之光和三年

江夏蠻復反與廬江賊黃穰相連結十餘萬人攻沒四縣寇患累

年廬江太守陸康討破之餘悉降散

板楯蠻夷者秦昭襄王時有一白虎常從羣虎數遊秦蜀巴漢之

境傷害千餘人昭王乃重募國中有能殺虎者賞邑萬家金百鎰

時有巴郡閬中夷人能作白竹之弩乃登樓射殺白虎

華陽國志曰巴夷廖仲等射殺

也昭王嘉之而已其夷人不欲加封乃刻石盟要復夷人頃田不

租十妻不算

優寵之故一戶免其一頃田之稅雖有十妻不輸口算之錢復音福

傷人者論殺人得已倏錢贖

死

何承天纂文曰倏蠻夷贖罪貨也音徒監反

盟曰秦犯夷輸黃龍一雙夷犯秦輸清酒一鍾

夷人安之至高祖爲漢王發夷人還伐三秦秦地既定乃遣還巴

中復其渠帥羅朴督鄂度夕龔七姓不輸租賦餘戶乃歲入賓錢

口四十世號爲板楯蠻夷閬中有渝水其人多居水左右天性勁

勇初爲漢前鋒數陷陳俗喜歌舞

喜音虛記反

高祖觀之曰此武王伐紂

之歌也乃命樂人習之所謂巴渝舞也遂世世服從至於中興郡

守常率已征伐桓帝之世板楯數反太守蜀郡趙溫已恩信降服

之靈帝光和三年巴郡板楯復叛寇掠三蜀及漢中諸郡靈帝遣